

國

朝

列

卿

紀

國朝列卿紀卷之一百十二

撫治鄖陽

夫鄖陽者古荊豫之地 國初因元鄖縣隸襄陽府均州然襄陽地廣山居三分之一故成化初年多聚藏奸宄自劉千斤倡亂繼以李鬚子煽禍流民蜩起荼毒荊襄雖經尚書白圭都御史項忠王恕等剿定安撫而地曠民雜難於控制成化十二年命下公卿議遣都御史原傑安撫流通各得其所因奏立鄖陽行都司并府衛割陝西之漢中商州河南之南陽唐鄧四川之夔衢湖廣之荊襄安沔添設都御史提督撫治之及設撫民副使分守叅議亦兼撫民於是命監察御史吳道宏爲大理寺少卿

撫治以後鄭時等皆以都御史繼之相沿不改而軍民亦賴以
安輯第地勢綿亘南控巴蜀北抵商浙秦以之爲東鄰楚以之
爲西掖誠禦寇一要地自非文武兼資鮮克厝理然則審幾以
消萌因地以策職是可輕畀者哉今詳各官年表於後其行實
見於事紀其勲德茂著者表爲列傳若奉 勅有事茲土者另
列於首云

國朝列卿紀卷之一百十二

勅使鄖陽尚書都御史年表

王

恕

陝西三原人成化元年以都察院右副都御史撫南陽荆襄流民詳吏部尚書

楊

璿

直隸無錫人成化元年以都察院右副都御史撫鄧襄流民詳河南巡撫

白

圭

直隸南宮人成化二年以尚書征流賊詳兵部尚書

項

忠

浙江嘉善人成化七年以都察院右副都御史征流賊詳兵部尚書

原

傑

山西陽城人成化十二年以都察院右副都御史任詳南京兵部尚書

撫治鄖陽卿少副僉都御史年表

吳

道宏

四川宜賓人進士成化十三年以大興寺少卿巡撫詳南京大理寺卿

王

濬

直隸威縣人成化丙戌進士十八年以都察院右僉都御史任二十一年卒於官

劉璋福建南平人進士成化二十一年以都察院右副都御史任詳工部尚書

何經廣東順德人景泰甲戌進士成化二十一年以都察院右副都御史任二十三年致仕

鄭時直隸舒城人進士弘治元年以都察院右副都御史任詳南京刑部尚書

戴珊江西浮梁人進士弘治二年以右副都御史任詳都察院左都御史

王道直隸蠡縣人天順丁丑進士弘治四年以都察院右副都御史任十年致仕

沈暉直隸宜興人進士弘治七年以都察院右副都御史任詳南京工部右侍郎

黎福江西樂平人進士弘治九年以都察院右副都御史任詳南京兵部右侍郎

陳清山東益都人進士弘治十三年以都察院右副都御史任詳南京工部尚書

樊瑩浙江常山人進士弘治十四年起都察院右副都御史撫治鄖陽詳南京刑部尚書

王鑑之浙江山陰人進士弘治十四年以都察院左副都御史任詳刑部尚書

孫 霽

江西德興人進士弘治十八年以都察院右副都御史任詳南京吏部尚書

汪舜民

直隸婺源人成化戊戌進士正德二年以都察院右副都御史任本年開往

李仕寶

江西豐城人進士正德五年以都察院右副都御史任詳都察院右都御史

劉 琬

江西宜春人姓高成化戊戌進士正德六年以都察院右副都御史任八年養病

張 淳

直隸合肥人進士正德八年以都察院右副都御史任詳保定巡撫副都御史

王 憲

山東東平人進士正德八年以都察院右僉都御史任詳兵部尚書

任 漢

四川溫江人進士正德十年以都察院右副都御史任詳南京大理寺卿

公勉仁

山東蒙陰人弘治庚戌進士正德十一年以都察院右僉都御史任本年致仕

陳 雍

浙江餘杭人進士正德十一年以都察院右副都御史任詳南京工部尚書

王 績

廣東東莞人進士正德十二年以都察院右副都御史任詳南京戶部尚書

劉玉

江西萬安人進士正德十四年以右僉都御史任詳刑部侍郎

毛珵

直隸吳縣人成化丁未進士歷南院右副都御史正德十六年推右副都御史撫治未任致仕

王懋中

江西安福人正德十六年起右副都御史任本年改南京操江

方良永

福建莆田人進士正德十六年以都察院右副都御史任詳南京刑部尚書

徐蕃

直隸泰州人進士嘉靖元年以都察院右副都御史任詳工部侍郎

章拯

浙江蘭谿人進士嘉靖二年以都察院右副都御史任詳工部尚書

寇天叙

山西榆次人進士嘉靖三年以都察院右僉都御史任詳兵部右侍郎

蔣曙

廣西全州人進士嘉靖四年以都察院右副都御史任詳工部右侍郎

夏從壽

直隸江陰人弘治癸丑進士嘉靖六年以都察院右副都御史任八年致仕

林富

福建莆田人弘治壬戌進士嘉靖七年以右副都任詳兵部右侍郎

潘旦

直隸婺源人弘治乙丑進士嘉靖八年以

都察院右副都御史任詳兩廣總制侍郎

袁宗儒

直隸雄縣人正德戊辰進士嘉靖十年以都察院右僉都御史任十一年改撫山東詳戶部左侍郎

胡東臯

浙江餘姚人弘治乙丑進士嘉靖十年以都察院右僉都御史任詳都察院僉都御史

宋冕

浙江餘姚人弘治壬戌進士嘉靖十二年以都察院右副都御史任十四年開任

王學夔

江西安福人正德甲戌進士嘉靖十四年以都察院右僉都御史任詳南京兵部尚書

于桂

山東昌邑人正德辛未進士嘉靖十五年推都察院右副都御史未任被劾致仕

路迎

山東汶上人正德戊辰進士嘉靖十五年以都察院右副都御史任詳兵部尚書

王以旂

應天江寧人正德辛未進士嘉靖十七年以都察院右副都御史任詳兵部尚書

戴時宗

福建長泰人正德甲戌進士嘉靖十八年以都察院右僉都御史任詳都察院右僉都

喻茂堅

四川榮昌人正德辛未進士嘉靖二十年以都察院右僉都御史任詳刑部尚書

詹瀚 江西玉山人正德丁丑進士嘉靖二十一年以都察院右副都御史任本年回籍聽調詳刑部左侍郎

張岳 福建惠安人正德丁丑進士嘉靖二十一年以都察院右僉都御史任詳川湖右都御史

王守 直隸吳縣人嘉靖丙戌進士二十二年以都察院右僉都御史任詳南院副都御史

歐陽必進 江西安福人正德丁丑進士嘉靖二十三年以都察院右副都御史任詳吏部尚書

任惟賢 四川閬中人正德甲戌進士嘉靖二十四年以都察院右副都御史任詳南京刑部右侍郎

葉照 浙江慈谿人嘉靖癸未進士二十五年以都察院右副都御史任二十六年致仕

于湛 直隸金壇人正德辛未進士嘉靖二十六年以都察院右副都御史任二十八年致仕

任瀛 山東兗州衛籍山西文水人嘉靖乙未進士二十八年以都察院右僉都御史任三十年開任

沈良才 直隸泰州人嘉靖乙未進士三十年以都察院右僉都御史任詳兵部右侍郎

張舜臣 山東章丘人嘉靖乙未進士三十二年以都察院右僉都御史任詳南京戶部尚書

劉伯躍

江西南昌人嘉靖己丑進士三十四年以都察院右副都御史任詳工部左侍郎

章煥

直隸吳縣人嘉靖戊戌進士三十五年以都察院右僉都御史任詳南京糧儲副都御史

劉學易

山東壽光人嘉靖戊戌進士三十六年以都察院右僉都御史任詳工部右侍郎

谷嶠

直隸興州前屯衛人嘉靖戊戌進士三十九年以右副都任

張雨

江西萬安人嘉靖戊戌進士三十九年以都察院右僉都御史任詳都察院右僉都

汪侏

江西貴溪人嘉靖戊戌進士四十年以都察院右副都御史任四十一一年閑住

遲鳳翔

山東臨朐人嘉靖甲辰進士四十一年以都察院右僉都御史任詳兵部左侍郎

吳桂芳

江西新建人嘉靖甲辰進士四十二年以都察院右僉都御史任四十三年改河道詳兵部左侍郎

康朗

福建惠安人嘉靖乙未進士四十三年以都察院右僉都任四十四年陞撫貴州右副都御史未任閑住

陳志

福建莆田人嘉靖癸丑進士四十四年以都察院右僉都御史任四十五年閑住

劉秉仁

貴州衛籍大冶人嘉靖丁未進士四十五年以都察院右僉都御史任隆慶元年聽調閑住

孫應鰲

貴州清平人嘉靖癸丑進士隆慶元年以都察院右僉都御史任

武金

直隸井陘人嘉靖癸丑進士隆慶三年以右僉都御史任

汪道昆

直隸歙縣人嘉靖丁未進士隆慶四年起右僉都御史任改撫湖廣

凌雲翼

直隸太倉人嘉靖丁未進士隆慶五年以右僉都御史任

王世貞

直隸太倉人嘉靖丁未進士萬曆二年以太僕寺卿陞右僉都任

湯賓

直隸南皮人嘉靖庚戌進士萬曆元年以右副都御史任

徐學謨

直隸嘉定人嘉靖庚戌進士萬曆六年以右僉都御史任

楊俊民

山西蒲州人嘉靖壬戌進士萬曆六年由大理寺少卿陞右僉都任九年三月改撫山東

毛鋼

直隸薊州人嘉靖癸丑進士萬曆二年以副都任陞南兵部侍郎

張國彥

直隸邯鄲人嘉靖壬戌進士萬曆十一年由順天府尹陞右副都任本年改撫順天

方弘靜

直隸欽縣人嘉靖庚戌進士萬曆十四年以右副都任陞南戶部右侍郎

李材

江西豐城人嘉靖壬戌進士萬曆十四年由金騰兵備按察使陞右僉都任十五年回籍

裴應章

福建清流人隆慶戊辰進士萬曆十五年由太常寺卿陞右副都御史任十七年陞戶部右侍郎

許子良

浙江仁和人隆慶戊辰進士萬曆十七年十月由貴州右僉都改任本月卒

姜璧

直隸文安人隆慶辛未進士萬曆十八年由大理寺左少卿陞右僉都任

蕭彥

直隸涇縣人隆慶辛未進士萬曆十七年由雲南僉都陞右副都任

勅使鄖陽行實

王恕字宗貫陝西西安府三原縣人成化元年二月由河南左布政使陞右副都御史撫治時南陽豪爭礦殺人恕捕獲渠魁餘悉解散尋丁母憂四月仍起都察院右副都御史命撫南陽荆襄會襄陽盜起恕會兵擣其巢及劉千斤作亂亦會師平之

大帥欲搜山恕下令止之榜諭流民諭使復業民生祠之盜平

三年改撫河南累官吏部尚書詳吏部

白圭字宗玉直隸真定府南宮縣人成化元年四月以工部尚書提督軍務討劉千斤石和尚遇賊誘之臨城擊破之乘勝進兵賊退入寨穴憑高爲拒攻之不下乃遣千人由間道出賊後

焚其營賊迎敵顧其營火驚遂生擒之獻俘京師論功加太子少保陞從一品俸詳兵部

楊璿字叔璣直隸常州府無錫縣人正統己未進士成化四年以戶部侍郎改都察院右副都御史撫治荆襄南陽等處流民璿單騎直抵其境勤宣 帝命周行賑給留者占籍去者蠲糧遠邇晏然有盜起房竹縣境相挺剽掠璿撫諭之不從乃請加兵俘獲數千人衆議撙刈持不可曰殲厥渠魁脅從罔治 上意也第戮首惡數人餘悉縱之七年改視北畿歷撫河南詳河南巡撫

項忠字蓋臣浙江嘉興府嘉善縣人成化七年荆襄流賊李黠

子作亂以都察院右都御史提督軍務出征乃遣人持榜招諭其不服者縱兵摻捕斬首二千餘獻俘百餘遣還者一百四十萬編戍萬餘仍獻便宜十事進左都暫留撫治本年回院累官兵部尚書詳兵部

原傑字子英山西太原府陽曲縣人成化十二年因荆襄流民爲惡特命巡視奏設都御史提督撫治遂爲定制經理衛所以功陞右都御史十三年遷南京兵部尚書詳南京兵部

撫治鄖陽少卿都御史行實

吳道宏字【三】四川敘州府宜賓縣人天順丁丑進士成化十三年以監察御史陞大理寺少卿撫治鄖陽等處提督軍務十

國朝列傳卷之百一十二
八年陞南京大理寺卿詳南京大理寺

成化十三年定設撫治都御史以後相因不改

王濬字



直隸廣平府威縣人成化丙戌進士三年擢湖廣

道監察御史六年丁憂八年補河南道巡按陝西山東蘇松常
鎮等處所至有激揚其按蘇松時隆冬有建議驅衆以濬運河
者民不堪勞多凍死濬奏止之全活無筭十二年議開運河特
陞都察院右僉都御史未任改巡撫甘肅地方練兵儲糧民安
盜息虜遠遁兵部尚書王越氣岸嶄然少許可爲經綸治化卷
以贈有中丞才與識兼全赫赫威聲滿路傳之句十五年丁憂
十八年起原職命撫治鄖陽等處提督軍務二十一年卒於官

劉璋字廷信福建延平府南平縣人天順丁丑進士成化二十一年以右副都御史任先是蝗虫爲災民憂無計有夢神人語之曰巡撫至則蝗自殄及璋至大雨如注蝗盡投水死父老歡呼走告璋曰此天活汝我何德焉本年遷巡撫四川歷工部尚書詳工部

何經字

廣東廣州府順德縣人景泰甲戌進士授工部

司主事成化元年陞本部

司郎中七年從征荆襄八年

陞貴州左叅政十

年陞雲南右布政使十

年陞廣西左布

政使二十一年陞都察院右副都御史撫治鄖陽等處提督軍務二十三年致仕

鄭時字宗良直隸廬州府舒城縣人景泰辛未進士任巡撫陝西右副都御史謫貴州左叅政弘治元年以都察院右副都御史任本年改撫湖廣歷南京刑部尚書詳南京刑部

戴珊字廷珍江西饒州府浮梁縣人天順甲申進士擢四川道御史累官福建左布政使弘治二年以都察院右副都御史任時豪右多窟流聚爲利乃刻日令首罪民所闢田多匿稅乃償所廢而沒其餘蜀盜野王剛不逞約川湖兵誅之四年遷刑部右侍郎歷左侍郎南刑部尚書改左都御史掌院事詳都察院王道字直隸保定府蠡縣人天順丁丑進士弘治元年陞山東右叅政三年陞山東左布政使四年陞都察院右副都御

史撫治鄖陽等處提督軍務十年致仕

沈暉字

直隸常州府宜興縣人天順庚辰進士任江西左

布政使弘治七年以都察院右副都御史任鄖陽七府皆創建
吏緣爲奸乃黜臧吏三四人令民開墾荒埜仍復其租三年得
熟田數千頃教軍士陶甓甃其城十重樹教場萬柳鄖人飲江
多瘠鑿十井於城收太和山香錢以賑民饑至今遵行之造浮
橋通樊城民免風濤之苦九年改撫湖廣歷南京工部右侍郎
詳南京工部

黎福字天與江西饒州府樂平縣人天順丙戌進士授浙江道
御史弘治九年以廣東左布政使陞都察院右副都御史任察

文武吏不勝任者易之不職者黜之增設巡司學校以誥奸敷教提挈綱領不事瑣屑流民安業十二年遷南京兵部右侍郎以疾乞休未任詳南京兵部

陳清字

山東青州府益都縣人天順甲申進士弘治十三

年以都察院右副都御史任十四年遷戶部總督右侍郎歷南京工部尚書詳南京工部

樊瑩字廷璧浙江常山人天順甲申進士弘治十四年以都察院右副都御史起撫鄖陽本年改南京刑部右侍郎詳南京刑部尚書

王鑑之字明仲浙江紹興府山陰縣人成化戊戌進士弘治十

四年以都察院右副都御史任振肅紀綱所屬懍懍時有不堪者謂撫治之官古之所無欲取回京時有待選士效借寇故事謂不可一日無此官奏寢其事十八年改撫湖廣歷刑部尚書詳刑部

孫需字孚吉江西饒州府德興縣人成化壬辰進士弘治十八年以都察院右副都御史任至則以文告諭之願爲編氓者給牛種俾有常業願歸故里者給餼遣還籍管內所得逋逃蓋數萬餘口又以教化爲撫民急務乃興建學舍擇秀民聚講其中有暇則親往課之未幾士習丕變應試者倍於疇昔武當境內先是國家諸祈禱費皆民出需曰山有香錢鉅萬典守者出

私之是不可取爲享神之用耶令有司籍記悉貯均州於是祈禱之費不擾於民矣鄖陽人謂前此撫治未有如需之精密者正德二年遷南京兵部右侍郎歷南京吏部尚書詳南京吏部汪舜民字直隸徽州府婺源縣人成化戊戌進士正德元年任河南右布政使二年陞河南左布政使本年陞都察院右副都御史撫治鄖陽地方提督軍務本年免正德二年以後逆瑾革巡撫

李士實字若虛江西南昌府豐城縣人成化丙戌進士任刑部主事歷刑部右侍郎致仕正德五年以都察院右都御史起任本年取回院掌院事詳都察院

高琬卽劉琬字德資江西袁州府宜春縣人成化戊子占江西鄉試戊戌登進士十九年授上海知縣二十三年丁憂弘治四年補知松陽縣召爲南京貴州道監察御史十二年陞松江知府正德元年陞陝西右叅政三年陞湖廣右布政使五年陞浙江左布政使六年拜右副都御史撫治鄖陽公器貌端重爲政矜嚴持大體曉達民事慎飭名檢所至舉其職而上海松江之政尤稱最上海松屬邑也地大賦繁公至減官糧加耗奏以餘糧編銀僱夫民稱省便官稅徵解歲有羨餘數百金前政者例受之公初不入於已則斥以建學舍齋閣厠宇館傳之敝圯者鋤抑豪強發摘姦伏屢辨疑獄終其任無敢干以私聞父喪卽

日就道居臺端風裁凜峻出按蜀戎籍持平不苛稽審有法衆
號得體適松守缺松人咸願得公爲守語聞吏部以公往益公
前在上海威信既孚於民又熟其利病及爲郡益邁往踵厲凡
所興革弛張舉措務建久長利期無遺便乃用文學飭吏治考
大成之樂間詣學官飲射讀法率學官弟子親爲講說課試高
等者慰寵之飭陸宣公周文襄之祠表忠節貞孝百廢具興松
故饒財俗尚侈靡公身爲儉約先之食不重肉客至豆觴魚鱸
果脯一飮而已禁饗燕俳優雜劇不一陳於前無卽時劇寇劉
七猖獗連河鄧襄蜀數州患之都御史彭公澤專總制受勅調
漢土兵併力追剿計畫勞勩渠黨就獲墮書獎勵有襲衣白金

之賜衆方多其功顧爲言者所抑八年得旨召公將別用之公還過家卽卧不復仕有司議平賊功猶以白金綵幣卽其家賜焉世廟登極推恩廷臣公雖家卧援比以請詔賜誥進階通議大夫家居十五年年八十有五履行重一時前後部使數致栗帛禮於其廬公三世皆仍姓劉嘉靖壬午子祉領鄉薦會試禮部始以公意疏於朝復姓高

張淳字直隸廬州府合肥縣人成化丁未進士任四川副使歷應天府尹正德八年以都察院右副都御史任本年改撫保定詳保定巡撫

王憲字維綱山東兗州府東平州人弘治庚戌進士歷大理寺

左寺丞正德八年以都察院右僉都御史任十年改撫大同歷兵部尚書詳兵部

任漢字 四川成都府溫江縣人成化丁未進士歷江西左布政使正德七年以都察院右副都御史巡撫江西時廣饒盜起漢束手無策致州縣殘破尋以養病去任十年以原官起撫鄖陽十一年遷南京大理寺卿詳南京大理寺

公勉仁字 山東青州府蒙陰縣人弘治庚戌進士正德七年任都察院右僉都御史巡撫大同八年回籍十一年起原職撫治鄖陽地方提督軍務本年致仕

陳雍字希冉浙江紹興府餘姚縣人成化甲辰進士正德十年

任貴州左布政使十一年以都察院右副都御史任至則察奸貪撫人民飭兵備蓄糧儲修城池防盜賊興學校清獄訟地方以安漢中知府買銓不法劾去之豪軍鄧璽等強橫聲言治之悉斂戢十三年改工部右侍郎督大木歷南京工部尚書詳南京工部


王縝字文哲廣東廣州府東莞縣人弘治癸丑進士正德五年任福建左布政使六年任巡撫應天右副都御史乞終養十三年以都察院右副都御史任時聞武宗欲巡幸供應以萬計有求活虎豹獻者悉令罷之襄府護衛奪民產奏以還民十四年遷南京刑部右侍郎歷南京戶部尚書詳南京戶部

國朝列傳卷之四十二
劉玉字咸粟江西萬安人弘治丙辰進士正德十二年歷大理寺左少卿十四年陞右僉都御史撫治鄖陽尋改南院操江詳刑部侍郎

毛理字直隸蘇州府吳縣人成化丁未進士授南京工科給事中調戶科歷兵科右給事中弘治十五年陞山東左叅議正德九年致仕十一年起南京鴻臚寺卿十三年陞南京太僕寺卿十五年陞南京都察院右副都御史提督江防十六年改都察院右副都御史撫治鄖陽等處提督軍務未任准致仕卒於家

王懋中字與時江西安福縣人正德十六年以致仕雲南巡撫

起右副都御史巡撫鄖陽本年改南京都察院提督江防詳南
京都察院

方良永字  福建莆田縣人弘治庚戌進士正德十六年由
致仕浙江左布政使起都察院右副都御史任本年侍養後起
巡撫應天歷南京刑部尚書未任詳南京刑部

徐蕃字宜之直隸揚州府泰州人弘治癸丑進士歷順天府尹
嘉靖元年以都察院右副都御史任二年遷南京戶部右侍郎
改工部管易州山礮詳工部

章孫字以道浙江金華府蘭谿縣人弘治壬戌進士嘉靖二年
以都察院右副都御史任至則嚴武備興學校三年遷工部右

侍郎治河歷兩京工部尚書詳工部

寇天叙字子惇山西太原府榆次縣人正德戊辰進士嘉靖三年以都察院右僉都御史任四年遷撫甘肅歷兵部右侍郎詳兵部

蔣曙字一廣西桂林府全州人弘治丙辰進士嘉靖四年以都察院右副都御史任五年遷工部右侍郎採木四川六年卒於官詳工部

夏從壽字如山直隸常州府江陰縣人蚤慧好學長以文鳴郡庠弘治癸丑西涯李文正公主會試置從壽魁選梓其文乙卯授工部都水司主事視事分司徐州洪減役裁費廉能輒聞成

午秩滿改戶部四川司庚申陞山東司員外郎壬戌陞湖廣司
郎中兼司醴政有富商賄結巨璫詐言成化間嘗輸粟五萬中
鹽河東久未支部屬從壽往覈同官以爲難從壽曰有謂有無
謂無何難之有直發其奸其人雖蒙恕宥事亦竟寢承勅理
山東河南屯田事方就緒以外艱去時爲大司徒者山東人也
家所侵屯田被籍入官遂劾從壽不請代擅歸從壽抗章自辨
朝論遽之正德丁卯起復避逆瑾難移疾歸旣而聞縉紳在告
者多被羅織則強起鄉人有出瑾門下者要重賂曰可得美遷
從壽笑拒之遂落職作樂閑園集賓朋觴詠其中陶陶然樂也
庚午瑾誅復除戶部廣西司時九峰孫公爲尚書諸司章奏事

疑且難者多屬之癸酉擢湖廣右叅議丙子冬考績便道歸省
遭喪再疏乞終養不允戊寅陞右叅政寶慶守從二吏出入爲
奸守與從壽舊僚陰爲祈免從壽卒置之法守以劾去榮府歲
以清明上隴往返信宿費不貲從壽稱制親王不許出郭檄郡
行長史司竟尼之武廟親征寧藩楚鄰壤也鎗衣官校搜捕
逃者沓至從壽方攝篆常從容應之時賊江彬甚橫索無厭從
壽爭之力底扞爲多辛巳擢福建布政使明年嘉靖改元轉左
海舶踰制巡海者欲沒入之從壽曰海鄉以船爲業奪之是驅
之爲盜耳已而失船者果皆入海暴亂從壽榜招之乃首服時
詔赦民田租之半計閩中當缺軍餉數月從壽請留歲解銀十萬

兩以充懇疏至再乃得請時有沙姓者爲廉憲閩人謠曰地暑
偏宜夏布風寒共怨紗簾臺諫遂據爲舉劾焉癸未丁太宜人
憂服闋復除河南左轄至則疏滯釋冤民德之如閩中云丁亥
擢都察院右副都御史撫治鄖陽檜巨猾戢罷訟恤貧安富四
境帖然然以執法不阿爲友人所忤嫉已丑得命歸聽用乃
卽黃塹新第荆涉趣園布十景詠而樂之年踰七十於所居東
營歸全宅命其子勿乞身後恩又於宅左攝東臯書院屢疏乞
致仕未允至是力請得旨進階致仕

潘旦字

直隸徽州府婺源縣人弘治乙丑進士由浙江右

布政使嘉靖八年陞都察院右副都御史任十年遷南京大理

寺卿歷南京吏刑二部右侍郎總制兩廣兵部左侍郎兼左僉都御史詳兩廣總制

袁宗儒字直隸保定府雄縣人正德戊辰進士嘉靖十年以都察院右僉都御史任本年回籍後起理都察院事歷戶部左右侍郎詳戶部

胡東臯字浙江紹興府餘姚縣人弘治乙丑進士嘉靖十年以巡撫寧夏右僉都御史改任十二年回理都察院事詳都

察院

宋冕字浙江紹興府餘姚縣人弘治壬戌進士授刑部

司主事正德二年降金壇知縣五年復禮部主事年陞員

外郎
年陞郎中九年陞河南左叅議十五年陞福建左叅政
嘉靖二年陞河南右布政使四年陞
左布政使
年回籍
年起
左布政使十二年陞都察院右副都御史撫治鄖
陽等處提督軍務十四年致仕

王學夔字一卿江西吉安府安福縣人正德甲戌進士嘉靖十
四年以南京光祿寺卿陞都察院右副都御史任十五年丁憂
後起南院歷南京大理寺卿吏部左侍郎南京兵部尚書詳南
京兵部

于桂字
山東萊州府昌邑縣人正德辛未進士七年授安
福知縣十一年陞戶科給事中十二年丁憂十五年接喪嘉靖

元年補吏科二年陞禮科右給事中本年陞淮安知府三年改
順德府六年陞陝西右叅政七年陞四川左叅政十一年陞陝
西按察使本年陞都察院右僉都御史巡撫延綏地方十五年
陞右副都御史撫治鄖陽等處地方提督軍務未至被劾致仕
路迎字■山東兗州府汶上縣人正德戊辰進士嘉靖十五
年以都察院右僉都御史任十七年陞巡撫山西右副都御史
丁憂二十二年起撫陝西歷兵部左侍郎尚書諱兵部

王以旂字士招應天府江寧縣人正德辛未進士嘉靖十七年
任光祿寺卿本年陞都察院右僉都御史任十八年陞左副都
御史回院歷兵部右侍郎南院右都御史兵部尚書都察院右

都御史

戴時宗字

福建漳州府長泰縣人正德甲戌進士任刑部

主事十三年改吏部考功司十六年陞驗封司員外郎丁憂嘉靖四年起復補稽勲司六年改文選司陞考功司郎中轉文選司七年陞太僕寺少卿十年陞大理寺少卿十一年陞總理河道右僉都御史本年改撫順天十二年丁憂二十年起都察院右僉都御史任本年回理院事未任聽勘

喻茂堅字

四川敘州府榮昌縣人正德辛未進士任御史

嘉靖二十年以都察院右副都御史任二十一年遷撫應天歷南京大理寺卿刑部左右侍郎總督漕運右都御史詳刑部

詹瀚字

江西廣信府玉山縣人正德丁丑進士嘉靖二十

一年以都察院右副都御史任本年回籍聽調後起總理河道

張岳字

福建泉州府惠安縣人正德丁丑進士任浙江提

學副使嘉靖二十一年以都察院右僉都御史任二十二年遷

撫江西歷總制兩廣兵部左侍郎總督湖廣川貴右都御史

王守宇履約直隸蘇州府吳縣人嘉靖丙戌進士十八年任南

光祿寺卿二十二年以都察院右僉都御史任二十三年遷督

南京糧儲二十七年仍以僉都總理河道本年陞南院右副都

歐陽必進字任夫江西吉安府安福縣人正德丁丑進士嘉靖

二十三年以都察院右副都御史任二十四年遷撫應天等處

任維賢字

四川保寧府閬中縣人正德甲戌進士嘉靖二

十一年以右副都御史巡撫延綏未至劾免二十四年起都察院右副都御史任二十五年遷南刑部右侍郎未任詳南刑部葉照字景陽浙江寧波府慈谿縣人嘉靖癸未進士本年除直隸池州府石埭縣知縣四年調江西南昌府新建縣七年陞貴州道監察御史十四年陞湖廣副使十八年陞廣西右叅政管糧二十年陞廣西按察使二十一年陞廣西右布政使二十二

年陞山東左布政使二十五年陞都察院右副都御史提督撫治鄖陽等處二十六年致仕

于湛字

直隸鎮江府金壇縣人正德辛未進士授兵部武

選司主事九年陞車駕司員外郎十一年陞職方司郎中十六年陞陝西右叅議本年改江西嘉靖元年陞雲南右叅政五年丁憂八年補河南九年陞山西右布政使十年陞河南左布政使十二年陞都察院右副都御史巡撫順天未任本年閑住十五年起右副都御史巡撫陝西地方十六年改總理河道十七年終養丁憂二十四年起原職再任二十五年陞戶部右侍郎未任被劾聽調二十六年起原職撫治鄖陽等處二十八年回籍聽勘

任瀛字登之山東兗州衛籍山西文水縣人嘉靖乙未進士任戶科都給事中二十三年陞順天府丞二十八年以都察院右

僉都御史任三十年閑住

沈良才字德夫直隸泰州人嘉靖乙未進士任大理寺右少卿三十年陞右僉都撫治郎陽三十二年陞大理寺卿詳兵部右侍郎

張舜臣字熙伯山東章丘縣人嘉靖乙未進士任直隸寧晉知縣二十年陞吏部稽勲司主事轉驗封改考功二十二年陞驗封司員外郎二十四年轉文選陞稽勲司郎中調驗封二十五年改考功二十六年轉文選二十七年陞太僕寺少卿三十二年陞南京太僕寺卿轉太僕寺卿三十二年陞都察院右僉都任三十三年陞南京大理寺卿詳南京戶部尚書

國朝列卿紀卷之一百十二終

國朝列卿紀卷之一百十三

巡撫四川

四川古梁州地漢置益州都刺史察舉蜀巴廣漢

雋等郡而不常所治東漢益州刺史治雒唐貞觀中於此置劍南道開元中置劍南并山南東西道採訪處置使而劍南治蜀宋爲西川路後分西川爲東西兩路又分益梓利夔四路安撫司俱以守臣兼領又置提點刑獄司於嘉定重慶潼川三府元置四川等處行中書省又置西蜀四川道廉訪司俱治成都

本朝置四川等處承宣布政使司領成都保寧順慶夔州重慶叙州馬湖七府潼川嘉定邛瀘眉雅六州東川烏蒙烏撒芒部四

軍民府龍州永寧宣撫司而芒部至嘉靖中改鎮雄府龍州
後改爲龍安府播川宣慰使司黎州思曩日安撫司平茶長官
司置四川都指揮使司領成都中成都右成都前成都後利州
寧川茂州瀘州叙州重慶十衛松潘軍民衛天全六番招討司
疊溪保寧雅州青川黔江威州大渡河廣安八所又置四川行
都指揮使司領建昌建昌前鹽井會川寧番越雋六衛置四川
等處按察司分川西川東川南川北四道兼察諸府州衛所并
宣撫宣慰安撫長官諸司自宣德五年六年命都御史胡廣賈
諒前後出鎮俱事寧回院至正統十四年擢都御史李匡巡撫
遵守至今然四川西南與區上則松茂建昌番夷肆暴下則播

酋石砮互爲刼掠加以地里遼邈夷漢雜處民貧多盜勢使然也欲控制一方潛消其隱患是可泄泄者耶今詳各官宦履於後其行實見於事紀其勲德茂著者表爲列傳若奉勅有事茲土者另列於首云

國朝列卿紀卷之一百十三

勅使四川尚書侍郎都御史年表

丁

玉直隸人洪武九年以
右御史大夫出平松蠻

宋

禮河南永寧人永樂四年以工部尚書採木七年
還京十三年再命督木兼巡撫事十七年回京

金

純直隸泗州人永樂十九
年以禮部尚書巡撫

楊

和直隸臨城人洪熙元年以工部右
侍郎採木本年劾免詳工部侍郎

戈

謙山西代州人洪熙元年以右副都御史巡
視宣德元年還朝免為民詳都察院副都

魏

源江西建昌人宣德六年以
刑部左侍郎整飭邊務

鄭

辰浙江西安人宣德十年以南京工部
右侍郎考察藩臬大臣詳兵部侍郎

王

翺直隸鹽山人正統四年以右僉
都御史叅贊軍務詳吏部尚書

薛瑄

山西河津人景泰元年以大
理寺丞督松藩糧儲詳內閣

李賢

河南鄧州人景泰三年以兵部
右侍郎考察四川官吏詳內閣

程信

直隸休寧人成化三年以兵部尚書
征大壩山都掌蠻詳南京兵部尚書

陳宜

江西泰和人成化三年以貴州右
副都御史征大壩詳兵部右侍郎

何喬新

江西廣昌人成化二十二年以刑部
右侍郎勘播州事情詳刑部尚書

洪鍾

浙江錢塘人正德五年以刑部尚書
兼左都征藍寇七年劾免詳都察院

彭澤

陝西蘭州衛籍湖廣長沙人正德七
年以太子少保兼右都御史征川寇

劉丙

江西安福人成化丁未進士正德九年以工部右侍郎兼
僉都御史採木湖廣川貴十三年卒於江陵贈南京工部

尚書謚

恭肅

陳雍

浙江餘姚人正德十五年以工部右侍郎兼
僉都御史督川貴採木詳南京工部尚書

王 蓋

山東濰縣人弘治丙辰進士嘉靖四年以工部右侍郎兼都察院右僉都御史督川湖採木

蔣 曙

廣西全州人弘治丙辰進士嘉靖五年以工部右侍郎兼都察院右僉都御史採木六年卒於官

黃 衷

廣東南海人弘治丙辰進士嘉靖六年以工部右侍郎兼都察院左僉都御史採木川湖七年致仕

伍文定

湖廣松滋人弘治己未進士嘉靖七年以兵部尚書提督雲南川湖等處軍務

潘 鑑

直隸婺源人嘉靖二十年以工部右侍郎兼都察院僉都御史採木川湖二十一年加右都御史仍前任二十二年

陞工部尚書回籍

樊繼祖

山東鄆城人正德辛未進士歷總督宣大軍務兵部尚書嘉靖二十二年起工部尚書兼都察院右副都御史採木

川湖本年被劾回籍

劉伯躍

江西南昌人嘉靖己丑進士三十六年以工部右侍郎兼左僉都御史督川湖貴州採木本年丁憂

李憲卿

直隸崑山人嘉靖戊戌進士三十六年以都察院右副都御史督採木四十年回院

巡撫四川侍郎都御史年表

胡廩

直隸廣德人國子生宣德五年以左副都御史出撫詳都察院副都

賈諒

山東嶧縣人舉人宣德六年以右副都御史出鎮詳都察院副都

寇深

直隸唐縣人監生正統十四年以左副都御史巡撫詳都察院左都

李匡

浙江黃巖人進士正統十四年以都察院左僉都御史巡撫詳宣府巡撫

羅綺

河南磁州人進士景泰三年以刑部左侍郎巡撫征松藩叛蠻四年改都察院右副都御史五年罷免

陳泰

福建邵武人舉人天順七年以都察院左僉都御史任詳總督漕運副都

汪浩

湖廣石首人進士天順八年以右僉都御史任成化初年以功陞左三年陞右副都仍任五年謫配北鄙

黃琛

福建將樂人進士成化五年以南京戶部右侍郎兼都察院僉都御史任詳南京戶部侍郎

夏埏

浙江天台人景泰辛未進士成化八年以都察院右副都御史任十一年致仕

張

瓚

湖廣孝感人進士成化十一年以都察院右副都御史任兼參贊軍務詳總督漕運副都

孫

仁

直隸貴池人進士成化十六年以都察院右副都御史任詳戶部右侍郎

劉

璋

福建南平人進士成化二十一年以都察院右副都御史任詳工部尚書

丘

鼎

江西貴溪人進士成化二十三年以都察院右僉都御史任詳總督漕運右副都

謝士元

福建長樂人景泰甲戌進士弘治元年以都察院右副都御史任三年致仕

童

軒

江西都陽人進士弘治三年以都察院右副都御史任詳南京禮部尚書

邢

表

順天文安人天順丁丑進士弘治五年以都察院右副都御史任六年致仕

梁

璟

山西崞縣人進士弘治六年以都察院右副都御史任詳南京戶部尚書

馮

俊

廣西宜山人天順庚辰進士弘治七年以都察院右副都御史任九年致仕

鍾

蕃

浙江崇德人進士弘治九年以都察院右副都御史任十一年陞南京刑部右侍郎

劉 纓 江西新淦人蘇州衛籍進士弘治十三年以都察院右僉都御史任十五年養病詳南京刑部尚書

林元甫 福建莆田人進士弘治十五年以都察院右副都御史任詳雲南巡撫

劉 洪 湖廣鍾祥人進士弘治十七年以都察院右僉都御史任詳南院右都

劉 纓 見前正德元年再起原職任二年逆瑾議革巡撫以例罷免後起撫湖廣

林 俊 福建莆田人進士正德四年以都察院右副都御史任兼贊理軍務六年陞右都御史詳刑部尚書

高崇熙 山西石州人弘治庚戌進士正德六年以都察院右副都御史任八年械繫死於道後贈右都御史

馬 昊 應天句容人陝西寧夏衛籍弘治己未進士正德八年以都察院右僉都御史任九年以功加副都十三年以功歷右都御史仍前任

十四年卒於官

盛應期 直隸吳縣人進士正德十四年以都察院右副都御史任十五年丁憂後撫江西詳總理河道右都

胡世寧 浙江仁和人進士正德十六年以都察院右僉都御史任詳兵部尚書

許庭光

河南河陰人弘治己未進士正德十六年以都察院右僉都御史任嘉靖二年被劾改貴州詳貴州巡撫

湯沐

直隸江陰人進士嘉靖二年以都察院右副都御史任詳大理寺卿

王軌

直隸江都人進士嘉靖三年以都察院右副都御史任詳南京兵部尚書

鄭毅

江西上饒人進士嘉靖四年以都察院右副都御史任六年致仕

王廷相

河南儀封人進士嘉靖六年以都察院右副都御史任詳都察院左都掌院事

丁沂

應天溧水人進士嘉靖六年以都察院右副都御史任七年卒於官

唐鳳儀

湖廣邵陽人進士嘉靖七年以都察院右僉都御史任九年取回未任致仕

宋滄

山東鉅野人進士嘉靖九年以左僉都御史任十年加右副都御史十二年卒於官

楊守禮

山西蒲州人進士嘉靖十二年以都察院右副都御史任本年降河南右叅政詳總制陝西三邊尚書

范嵩

福建甌寧人進士嘉靖十三年以都察院右副都御史任詳工部右侍郎

潘鑑 直隸婺源人進士嘉靖十三年以都察院右副都御史任十八年回部養病詳總督兩廣尚書

張翰 遼東廣寧後屯衛人騰驤右衛籍弘治乙丑進士嘉靖十五年都察院右副都御史任十六年致仕

吳山 直隸吳江人進士嘉靖十六年以都察院左僉都御史任詳刑部尚書

李欽 河南固始人通州右衛籍正德辛未進士嘉靖十七年以都察院右副都御史任十九年遷工部右侍郎未任

劉大謨 河南儀封人進士嘉靖十九年以都察院右僉都御史任二十二年卒於官

丘養浩 福建晉江人正德辛巳進士嘉靖二十三年以都察院右僉都御史任本年改江西未任被劾聽調

戴儒 江西德興人嘉靖丙戌進士二十三年推都察院左僉都御史未任被劾致仕

王大有 福建興化衛籍進士嘉靖二十三年以右副都御史任二十五年推南京刑部右侍郎未任詳南京刑部

蕭一中 湖廣華容人正德丁丑進士嘉靖二十四年以都察院右副都御史推未任卒

張時徹 浙江鄞縣人嘉靖癸未進士二十五年以都察院右副都御史任詳南京兵部尚書

應大猷

浙江仙居人正德甲戌進士嘉靖二十六年以都察院右副都御史任本年為民後起用詳刑部尚書

嚴時泰

浙江餘姚人正德辛未進士嘉靖二十六年以都察院右副都御史任詳南京工部右侍郎

李香

江西分宜人正德辛巳進士嘉靖二十八年以都察院右副都御史任詳大理寺卿

張素

雲南安寧人嘉靖癸未進士二十九年以都察院右副都御史任三十一年開往

戴賢

浙江鄞縣人正德丁丑進士嘉靖三十年以都察院右副都御史任三十一年開往

張梟

江西進賢人嘉靖丙戌進士三十一年以都察院右副都御史任詳總督兩廣右都

羅廷繡

陝西淳化人嘉靖戊戌進士三十四年以都察院右僉都御史任三十六年聽調

黃光昇

福建晉江人嘉靖巳丑進士三十六年以都察院右副都御史任詳刑部尚書

羅崇奎

江西南昌人嘉靖戊戌進士三十九年以都察院右副都御史任詳川貴總督

雷賀

江西豐城人嘉靖辛丑進士四十年以都察院右副都御史任四十一年聽調

陳堯

直隸通州人嘉靖乙未進士四十四年以都察院右副都御史任四十二年陞南京戶部右侍郎

谷中虛

山東海豐人嘉靖甲辰進士四十二年以右僉都御史任四十二年陞撫湖廣右副都御史詳兵部侍郎

劉自強

河南扶溝人嘉靖甲辰進士四十四年以都察院右副都御史任陞戶部總儲右侍郎

譚綸

江西宜黃人嘉靖甲辰進士四十五年以都察院右副都御史任陞總督兩廣詳兵部尚書

陳炆

江西臨川人嘉靖辛丑進士四十五年以都察院右僉都御史任詳都察院左都

嚴清

雲南後衛人嘉靖甲辰進士隆慶二年以右僉都御史任詳吏部尚書

陳瓚

直隸獻縣人嘉靖丁未進士隆慶四年以右副都御史任改北院

劉斯潔

直隸易州人嘉靖丁未進士隆慶四年以右副都御史任改北院

曾省吾

湖廣承天衛人嘉靖丙辰進士隆慶六年由太僕寺少卿陞右僉都任萬曆二年陞右副都仍任

羅瑤

湖廣巴陵人嘉靖庚戌進士萬曆元年以右副都巡撫

王廷瞻

湖廣黃岡人嘉靖己未進士萬曆五年二月由太僕寺卿陞右僉都任八年陞巡撫南贛右副都

張士佩

陝西韓城人嘉靖丙辰進士萬曆八年由山西左布政陞右副都任十年陞吏部右侍郎

孫光祜

山西絳州人嘉靖壬戌進士萬曆十年由應天巡撫陞右副都任十一年九月陞南京大理寺卿

雒遵

陝西涇陽人嘉靖乙丑進士萬曆十一年由光祿寺卿陞右僉都任十三年降調

徐元太

南直宣城人嘉靖乙丑進士萬曆十三年由府尹陞右副都任十四年加兵部右侍郎仍任十七年養病

李尚思

山西曲沃人隆慶戊辰進士萬曆十七年田太常寺卿陞右副都任

勅使四川行實

丁玉字

直隸

府

人任九江府知府歷廣西行

中書省叅政洪武九年以右御史大夫出平松蠻十一年還軍
詳國初御史臺

宋禮字大本河南永寧縣人永樂四年以工部尚書督木四川
躬率吏民歷谿谷險絕代取美材以輸於北七年還京十三年
再命督木兼巡撫事十七年回京二十年卒於官詳工部

金純字

直隸泗州人永樂十九年以禮部尚書巡撫四川

考察官吏安綏軍民本年還京詳刑部

楊和字

直隸真定府臨城縣人洪熙元年以工部右侍郎

採木四川御下苛刻又欠清操本年劾免詳南京工部

戈謙字

山西太原府代州人洪熙元年以右副都御史出

巡視四川罷伐木之役并糾察官吏宣德元年還朝免爲民

魏源字

江西建昌人宣德六年以刑部左侍郎理四川邊

務明罰飭法衆務修舉事畢還朝詳刑部尚書

鄭辰字

浙江西安人宣德十年以南京工部右侍郎考察

藩憲大臣詳兵部侍郎

王翱字九臯直隸河間府鹽山縣人正德四年松潘番賊爲患

以右僉都御史叅贊軍務威聲大振賊懼率所部降翱犒之

首商巴等感悅盡邀各部來降受約束地方獲寧五年回京詳

吏部尚書

薛瑄字德溫山西平陽府河津縣人景泰元年以大理寺寺丞總督松潘糧儲本年還京歷禮部左侍郎入閣詳內閣

李賢字原德河南南陽府鄧州人景泰三年以兵部右侍郎命察四川官吏本年回京歷內閣詳內閣

程信字彥實直隸徽州府休寧縣人成化三年以兵部尚書總督川貴軍務征剿大壩四年以功回京歷南京兵部尚書詳南京兵部

陳宜字公宜江西吉安府泰和縣人成化三年以巡撫貴州右副都御史協程信征剿大壩三年以功遷兵部右侍郎詳兵部

何喬新字廷秀江西建昌府廣昌縣人成化二十三年以刑部左侍郎命勘播州事情訊鞫知楊友實欲奪弟楊愛宣慰肆爲欺罔上請遷友他郡邊夷以安本年回部陞南京刑部尚書改刑部尚書詳刑部

洪鍾字宣之浙江杭州府錢塘縣人正德五年以刑部尚書兼都察院左都御史總制軍務七年劾回刑部詳都察院

彭澤字濟物陝西蘭州衛籍湖廣長沙縣人正德八年以太子少保右都御史總制四川軍務先剿漢中廖麻子喻恩倖次征內江駱松祥及討崇慶州范藻盪平羣盜九年事竣加太子太保兼左都御史回京命經略甘肅等處地方歷掌院事遷兵部

尚書

劉丙字文煥江西吉安府安福縣人成化丁未進士改庶吉士弘治二年擢道監察御史十一年陞福建提學副使丁憂十八年補四川提學二年陞按察使正德二年陞右布政使年陞左布政使七年陞都察院右副都御史巡撫湖廣地方九年陞工部右侍兼右僉都御史督川湖大木十三年卒於江陵贈南京工部尚書謚恭肅

陳雍字希冉浙江紹興府餘姚縣人正德十五年以工部右侍郎兼右僉都御史督川貴大木十六年還部歷南京工部尚書詳南京工部

王璽字

山東萊州府濰縣人弘治丙辰進士

嘉靖二年任巡撫河南右副都御史三年改撫陝西五年陞工部右侍郎兼右僉都督川湖採木

蔣曙字


廣西桂林府全州人弘治丙辰進士

嘉靖四年任巡撫鄖陽右副都御史五年陞工部右侍郎兼僉都採木四川六年卒於官

黃衷字

廣東廣州府南海縣人弘治丙辰進士十二年除

南京戶部河南司主事十六年丁憂正德元年補南京戶部山東司二年陞河南司員外郎本年丁憂五年補南京兵部武選司本年陞南京禮部儀制司郎中尋改南京兵部武選司六年

改南京吏部考功司本年陞湖州府知府九年陞福建運使十一年陞廣西右叅政十六年陞雲南右布政使嘉靖二年陞左布政使三年陞都察院右副都御史巡撫雲南地方四年改撫湖廣六年陞工部右侍郎兼左僉都御史督木四川七年致仕伍文定字  湖廣松滋縣人嘉靖七年以兵部尚書提督雲南川湖等處軍務

潘鑑見巡撫嘉靖十五年以工部侍郎督木二十年起左副都再命督川廣江浙等處大木二十一年以勞陞右都御史仍前任二十二年命專督川木二十三年陞工部尚書回籍改兵部尚書兼右都御史總制兩廣未任致仕詳兩廣總制

四川巡撫行實

胡廩字

直隸廣德州人國子生宣德四年以都察院左副

都御史把總四川成造兼巡撫地方五年回院

賈諒字子信山東兗州府嶧縣人永樂辛卯舉人宣德六年以

都察院右副都御史出鎮捕作梗首惡餘黨解散七年回院

寇深字

直隸唐縣人監生正統九年任山西副使十一年

以右僉都鎮守四川松茂破賊巢擒其渠魁諸番讐伏獻盛甲
刀劍馬匹人貢不絕暇則撫恤士卒添修南路關堡十四年以
功陞左副都御史仍巡撫景泰二年召還

李匡字存翼浙江黃巖縣人年二十一領鄉薦明年會試賜

進士第始授太常博士未逾年丁外艱服闋改江西道監察御史巡歷去處德於民者甚衆如在應天財庫檢省鈔貫及奏免折蘆柴鈔計萬餘錠皆所以奠國家澤斯民復命未幾巡按北直真定永平等五府民間牧養長生牛羊以歲久人民負累疲敝乞恩得甦民困繼差陝西詳審刑獄辨冤獄得生者幾三百人及按治江西時少師楊公其長子稷恃勢暴刻鄉里被里人訴抑行御史布按覈實匡不畏權勢遂覈其事稷坐重刑是年聞母喪丁憂服將闋朝廷賚檄陞四川按察司副使是時四川播州苗賊作耗委匡帶領官軍撫捕與賊克敵一十五次景泰元年以軍功陞左僉都御史巡撫四川領軍勦賊播州未

平敘州羿蠻又行寇亂焚劫九縣全蜀搔擾復領勅剿捕時

四川地方不寧軍伍數少匡乃召民間壯丁凡九千餘教練操習雜處部伍匡號令嚴明措置有方屢戰而屢捷羿蠻始息播州餘寇尚未盡滅總督貴州軍務右都御史王來谷請會兵攻取草塘期而進兵至則王來違期匡被圍乃堅守營寨絕旗鼓罷知更五日一戰而捷蓋由示弱而勝草塘既平適爲輔臣江淵誣以事出歸原籍四川夷漢官軍交章保留凡十餘本悉爲江淵等所阻寢其行天順改元英宗復賜官帶閑住六年該兵部尚書馬昂等官奏保復前職仍勅巡撫宣府匡精力尤壯志謀益深親歷邊陲增築寨堡復還侵奪屯種斥堠崇密鷄

大相聞狐兔罔人八年嬰微疾度不可療遂陳情乞歸卒於家
享年六十有六

羅綺字尚綱河南彰德府磁州人宣德庚戌進士授道監
察御史遷大理寺少卿刑部左侍郎使虜庭還時松潘蠻叛董
卜韓胡都指揮克羅俄監粲攻下雜谷奪其安撫司印土豪王
永陷城堡殺人取貨都御史寇深不能治上降璽書命綺代
之綺雄偉有謀能斷出奇取捷十不失一開布恩信臨以兵威
未期克羅俄監粲悔過獻印擒永族之松潘皆山巖業羅立峯
得利卽奔巖洞匿木箐深不可測餉道出兩山間絕艱險民負
載餽五致一羣番伺隙出輒奪米去綺曰不大威之不懲招募

材武得禪師智中國師綽領牌頭尤弄柯皆豪健各統領兵夜
啣枚分道搗賊巢綺亦介冑從之火且攻破撲爬諸寨擒劇賊
卓勞阿兒結十餘人戮之綺志在招降自是破剔體面一切以
簡易治與接杯酒懽番人畏慕終綺任不敢叛四年改副都御
史亦坐是罷歸綺博學多智能屬文然少繩檢旣還磁滄水西
作綠野堂號煮詩道人綺與鄉民王俊不相能俊如京告綺在
松潘受潘人金暨器具 詔奪綺官籍其家詳刑部侍郎
陳泰字吉亨福建邵武府光澤縣人永樂癸卯舉人歷左僉都
御史撫蘇松嘉湖被讒謫廣東副使天順二年以都察院左僉
都御史巡撫蜀中老稚皆熟泰名奔走相告曰陳憲使復來矣

吾民其安以嬉乎州郡望風解組者數百人八年遷總漕右副都御史詳總督漕運

汪浩字

湖廣荊州府石首縣人景泰辛未進士授南京大

理寺左寺副天順四年陞四川僉事八年以平盜功陞都察院右僉都御史巡撫四川地方成化初年以擒趙賊陞左僉都御史三年再平大壩陞右副都御史俱仍前任兼理貴州五年謫配北鄙

黃琛字廷獻福建延平府將樂縣人正統己未進士成化五年以南京戶部右侍郎命兼僉都御史巡視琛求民隱精黜陟躬自涉歷不憚險僻有所陳白悉報可七年回部詳南京戶部

夏埴字宗成浙江台州府天台县人景泰辛未進士擢廣東道
監察御史按廣西時首除奸貪息盜賊通錢帛民皆便之尋歷
福建興革黜陟一如廣西時而其於江西也風裁益甚中貴人
葉達怙勢衆莫之敢撓公卒劾之落其權天順末用薦者擢廣
東按察使廣東有師旅之命守城兵不足取之民公曰誰歟無
父母妻子而使其人舍其親以扞人之親奚罪哉民皆感泣而
去曰公活我也旣凱旋都御史韓公雍將侈爲燕樂公亟止之
曰出師以爲民也今師以病民可乎韓不能難成化初擢布政
使尋徙江西江西人亟稱之未幾遂擢都察院右副都御史巡
撫四川四川逼夷獠歲多劇寇公至以楊兒捷聞上寵賚之

益爲盡心立互知會捕法賊得以不熾古州苗以萬數徙居爛
土幾年矣有仇播州宣慰者誣爲道引將逐之公亟奏曰制馭
苗蠻當如狼虎其靜也若棄之使不懷疑其動也必弔之使不
爲患今靜而故使之動何哉松茂叅將請益兵公曰將不在兵
兵不在衆乃揀精銳四千八百人往更之而一無所增巡撫例
得議事公條六事以聞曰嚴責成以馭將威遠慎舉錯以修政
安民權事宜以防奸制變度繁簡以隨材授任重將權以馭寇
安邊設官擢以典司出納大抵皆蠲圍計也旣乃意有所不合
輒引病歸章三四上 上留之卒不可得曰知足不辱吾豈敢
阿所好以終負吾心哉及歸杜門養親而造之者雖數不報曰

吾以病故棄國事何能復修主客禮耶至是以疾卒公剛直介
潔平生未嘗一訕意於人而人亦不敢干以私所至鋤強扶弱
尤善推鞠得其平詞輒剖露其伏有犯之者雖少賤一以理喻
不肯責也事親篤於敬非公署終身未敢南面而坐居常好讀
書雖職務填委不少廢閒出爲文章而尤工於詩往往逼唐律
所著有說苑要語裨政叢說嶺南集嶺南江西行稿三巴稿奏
議集凡數十卷藏於家

張璣字宗器湖廣德安府孝感縣人正統戊辰進士成化八年
歷浙江左布政使十一年以都察院右副都御史巡撫兼贊理
軍務首條禁約切中民隱大征松登平之十六年召陞戶部右

侍郎未任改總督漕運

孫仁字世榮直隸池州府貴池縣人景泰辛未進士任陝西左布政使成化十六年以都察院右副都御史巡撫二十一年遷戶部右侍郎詳戶部

劉璋字廷信福建延平府南平縣人天順丁丑進士授戶部主事歷浙江左布政使成化二十一年以撫治鄖陽都察院右副都御史改巡撫會乏糧時有例入粟補吏璋令減其數旬日得銀萬餘給以平糴歲足軍需仍餘米八萬播州楊友謀奪嫡與弟愛相訐勘覈得其罪有旨革友宣撫安置保寧璋以計處置徙之地方以寧奉勅省刑平反免死僧如方等四十餘人

弘治元年遷戶部右侍郎歷工部尚書詳工部

丘彙字宗用江西廣信府貴溪縣人景泰甲戌進士成化二十三年以四川按察使陞都察院右僉都御史巡撫本年陞總漕右副都御史詳總督漕運

謝士元字仲仁福建福州府閩縣人景泰甲戌進士授戶部雲南司主事上疏陳四弊爲尚書年公富所器許事有涉中官者力抗彼不勝忿求其事竟無所得擢建昌知府有兵盜民財夜數發兵官庇其跡法不得施公以危言恐兵官皆奪氣奸始息乃新學宮作禮器行射法購書以惠來學若公解驛舍城櫓壇壝之類皆增新制又建祠以祀李觀表黃孝子譚節婦之門以

外郎
年陞郎中九年陞河南左叅議十五年陞福建左叅政
嘉靖二年陞河南右布政使四年陞
左布政使
年回籍
年起
左布政使十二年陞都察院右副都御史撫治鄖
陽等處提督軍務十四年致仕

王學夔字一卿江西吉安府安福縣人正德甲戌進士嘉靖十
四年以南京光祿寺卿陞都察院右副都御史任十五年丁憂
後起南院歷南京大理寺卿吏部左侍郎南京兵部尚書詳南
京兵部

于桂字
山東萊州府昌邑縣人正德辛未進士七年授安
福知縣十一年陞戶科給事中十二年丁憂十五年接喪嘉靖

元年補吏科二年陞禮科右給事中本年陞淮安知府三年改順德府六年陞陝西右叅政七年陞四川左叅政十一年陞陝西按察使本年陞都察院右僉都御史巡撫延綏地方十五年陞右副都御史撫治鄖陽等處地方提督軍務未至被劾致仕路迎字德山東兗州府汶上縣人正德戊辰進士嘉靖十五年以都察院右僉都御史任十七年陞巡撫山西右副都御史丁憂二十二年起撫陝西歷兵部左侍郎尚書詳兵部

王以旂字士招應天府江寧縣人正德辛未進士嘉靖十七年任光祿寺卿本年陞都察院右僉都御史任十八年陞左副都御史同院歷兵部右侍郎南院右都御史兵部尚書都察院右

邊儲者多爲姦弊公遣吏覈實得通米十三萬石有奇嘗大祿
民流入藩郡日不絕公爲廣室十餘區作糜食之藥病葬死給
歸者以符且餽之所活不可勝計弘治庚戌上京師以疾乞致
仕時六十有七又三年年七十而卒公居官兩迎父養從父病
親爲嘗藥族黨婚葬不舉者必周之建祠堂祭田綜理家政暇
則玩易賦詩至老不倦所著有約齋稿若干卷咏史近體三百
首

童軒字士昂應天江寧籍江西饒州府鄱陽縣人景泰辛未進
士天順中以戶科給事中撫安川中盜歷任太常寺卿弘治二
年以都察院右副都御史巡撫秦除松茂戍守之役人甚便之

五年遷南京吏部右侍郎歷南京禮部尚書詳南京禮部

邢表字



順天府文安縣人天順丁丑進士成化二年陞彰

德府知府六年與王府競直調衛輝知府十年陞山東左叅政

十七年陞山東右布政使弘治元年陞四川左布政使五年陞

都察院右副都御史巡撫四川地方六年致仕

梁璟字廷美山西太原府崞縣人景泰癸酉舉人天順甲申進

士任巡撫湖廣右副都弘治六年起都察院右副都御史巡撫

本年回都察院歷南京戶部尚書詳南京戶部

馮俊字



廣西慶遠府宜山縣人天順庚辰進士成化二十

一年任廣東按察使二十三年陞



右布政使弘治五年陞

廣東左布政使七年陞都察院右副都御史巡撫四川地方九年致仕

鍾蕃字廷芳卽潘蕃浙江嘉興府崇德縣人成化丙戌進士任刑部主事弘治九年以都察院右副都御史巡撫兼提督松潘軍務十二年遷南京刑部右侍郎改南京兵部歷總制兩廣右都御史南京刑部尚書詳南京刑部

劉纓字與清江西新淦縣人蘇州衛籍成化戊辰進士弘治十三年以都察院右僉都御史巡撫徧行列寨細察事端知諸戍與番族犬牙緩則挑釁急則連和具爲禁官軍遵守夷亦帖然十五年養病正德元年再起原職巡撫諸番方掠樑新堡遣兵

討之俘斬千餘皆投兵羅拜橫梁餉道及蒲江廢關各立分司
守之全蜀以安二年逆瑾議革巡撫以例罷免後起撫湖廣歷
南京刑部尚書詳南京刑部

林元甫字

福建興化府莆田縣人成化乙未進士任工科

給事中歷陝西左布政使弘治十五年以都察院右副都御史
巡撫十七年改撫貴州旋改雲南詳雲南巡撫

劉洪字希範湖廣承天府鍾祥縣人成化戊戌進士任廣東按
察使貴州巡撫弘治十七年松茂奢夷肆亂以都察院右僉都
御史巡撫洪躬率諸路軍馬示以禍福由是列柯空龍二寨爭
斬首惡以獻疆場遂寧進右副都御史正德元年丁憂後起歷

總制兩廣右都御史改掌南院事詳南京都察院

林俊字大用福建興化府莆田縣人成化戊戌進士正德四年以都察院右副都御史巡撫兼贊理軍務時監鄢之寇方劇俊剿撫並行屢以捷聞復疏請上還內官擇宗室之賢者育於別宮收召先朝故老修復舊政六年陞都察院右都御史七月乞致仕允之歷刑部尚書詳刑部

高崇熙字

山西太原府石州人弘治庚戌進士正德二年

任四川按察使本年陞四川右布政使五年陞四川左布政使六年陞都察院右副都御史巡撫四川地方五月勅熙與鎮守太監韋興同洪鍾林俊會剿劇賊藍廷瑞鄢本恕九月江津

仁壽通賊方四任鬻子麻大兒等復起殘破蜀土復命熙調兵討之時賊掠南川等縣熙率兵連敗之奉勅獎勵八年以盜賊不盡滅械繫死於道後贈右都御史

馬昊字

陝西寧夏衛籍應天府句容縣人弘治己未進士

十三年授行人司行人十七年擢廣西道監察御史正統四年陞山東僉事本年降真定府推官五年陞四川僉事七年陞四川副使八年陞都察院右僉都御史巡撫四川地方九年命征葛魃夷人以功陞右副都御史仍舊巡撫十二年又以征敘功陞右都御史仍舊巡撫十四年卒於官

盛應期字斯徵直隸蘇州府吳縣人弘治癸丑進士正德十三

年任陝西左布政使十四年以都察院右副都御史巡撫十五年丁憂起撫江西歷兩廣總制工部右侍郎治河右都御史詳總理河道

胡世寧字永清浙江杭州府仁和縣人弘治癸丑進士起湖廣按察使正德十六年以都察院右僉都御史巡撫世廟更化首勸上脩德講學薦魏校何瑋邵銳堪講官林俊劉忠林廷玉堪輔弼及言擒江彬擒宸濠均當論功附宸濠附江彬均當論罪武臣如指揮牟斌執法受罪內臣如周儀守正殺身宜一體褒錄無不讜切當上心者薛瑄南兩月時松忝背叛首處軍餉令近邊者輸租於邊而縮其額以所縮加內地而勿輸邊

勞逸輕重均焉乃疏安撫方略要在用人才增兵將更賞罰足財用事下兵部議行芒部隴氏請分設長官司兵備官議不可許公疏隴氏裂地設官雖稱衛彼實爲筠連等縣扼賊襟喉從之便樞曹不用令隴壽襲職竟爲隴政所殺人服其識又劾退貪虐帥臣張傑太監趙欽蜀境大悅方討滅亂番節孝一族而代者至矣嘉靖元年召陞吏部右侍郎未任歷兵部南京吏部左侍郎南京工部尚書都察院左都御史刑部兵部南京兵部尚書詳兵部

許庭光字

河南開封府河陰縣人弘治己未進士授兵部

職方司主事十六年丁憂接喪正德四年補武庫司本年改光

祿寺丞九年陞江西副使十二年陞應天府丞十四年陞都察院右僉都御史巡視浙江兼管南直隸徽州府一帶十六年改總督漕運未任本年以右僉都御史巡撫四川地方嘉靖二年被劾改撫貴州詳貴州巡撫

湯沐字新之直隸常州府江陰縣人弘治丙辰進士歷貴州巡撫右副都嘉靖二年以都察院右副都御史巡撫三年遷大理寺卿詳大理寺

王軌字直隸揚州府江都縣人弘治己未進士任山東左布政使嘉靖二年陞順天府尹三年陞都察院右副都御史巡撫四川四年陞工部右侍郎兼右僉都御史督木本年轉南京

工部右侍郎歷南京刑部改戶部轉左侍郎丁憂後起總儲歷南京右都御史南京戶兵二部尚書詳南京兵部

鄭毅字

江西廣信府上饒縣人弘治己未進士授南京兵

部職方司主事正德二年陞南京兵部車駕司員外郎四年陞武選司郎中五年陞福建右叅議十一年丁憂本年陞浙江左叅政未任十六年補湖廣右叅政嘉靖二年陞四川右布政使本年陞浙江左布政使四年陞都察院右副都御史巡撫四川地方六年改南院本年遷總督漕運未任致仕

王廷相字秉衡河南開封府儀封縣人弘治壬戌進士任御史

嘉靖六年以都察院右副都御史巡撫本年回

院歷兵部左右侍郎南京兵部尚書改兵部兼左都御史掌院
事詳都察院

丁沂字

應天府溧水縣人弘治壬戌進士授南京刑部廣

西司主事正德二年丁憂六年補南京刑部江西司七年陞山
西司員外郎八年陞陝西司郎中九年陞湖廣僉事十二年陞
浙江副使嘉靖元年陞廣東左叅政二年陞江西按察使四年
陞福建右布政使六年陞湖廣左布政使本年陞都察院右副
都御史巡撫四川地方七年卒於家

唐鳳儀字

湖廣寶慶府邵陽縣人正德戊辰進士授行人

擢廣西道監察御史丁憂補江西道又丁憂補河南道嘉靖三

年陞應天府丞六年改順天府丞七年陞都察院右僉都御史
巡撫四川九年取回未任本年致仕

宋滄字

山東兗州府鉅野縣人正德戊辰進士授中書舍

人九年陞刑部山西司員外郎十年陞鴻臚寺右少卿十六年
陞鴻臚寺左少卿嘉靖四年陞右通政五年陞左通政九年陞
都察院左僉都御史巡撫四川兼督木十年陞右副都御史仍
前任十二年卒於官

楊守禮字

山西平陽府蒲州人正德辛未進士除戶部山

東司主事歷山東左布政使嘉靖十二年以都察院右副都御
史巡撫本年回籍聽勘降河南左叅政歷浙江按察使十七年

陞四川右布政使十八年陞山東左布政使本年陞寧夏巡撫
右副都十九年陞三邊總制右都御史詳總制三邊

范嵩字

福建建寧府甌寧縣人弘治壬戌進士嘉靖十二

年以都察院右副都御史巡撫十四年遷南京工部右侍郎詳
南京工部

潘鑑字

直隸徽州府婺源縣人正德戊辰進士嘉靖十四

年由四川左布政使陞都察院右副都御史巡撫十五年遷工
部右侍郎兼僉都御史督川廣大木十八年回部養病二十年
起左副都御史督川廣大木二十一年陞右都御史仍督大木
二十二年命專督四川大木二十三年陞工部尚書回籍改兵

部尚書兼右都御史總制兩廣

張幹生

騰驤右衛籍遼東廣寧後屯衛人弘治乙丑進士

授行人司行人

二年擢浙江道監察御史嘉靖元年陞河南副

使六年陞河南按察使七年陞河南左布政使九年陞都察院

右副都御史巡撫山西十年調河南右叅政十一年陞河南按察

使十一年陞山西右布政使十二年陞都察院右副都御史巡

撫寧夏地方未任致仕十五年再起巡撫四川地方十六年致

仕

吳山字

直隸蘇州府吳江縣人正德戊辰進士嘉靖十五

年任應天府尹十六年以都察院左僉都御史巡撫十七年遷

撫南贛歷刑部左侍郎

李欽字

通州右衛籍河南汝寧府固始縣人正德辛未進

士授行人司行人十年擢貴州道兼察御史十四年丁憂十六
年復原職嘉靖元年養病二年復原職尋陞漢中府知府四年
陞陝西副使本年丁憂七年補陝西副使十年陞河南左叅政
本年調山東十一年陞山西按察使十二年調山東本年陞福
建右布政使十三年陞山東左布政使十五年陞太僕寺卿十
七年陞都察院右副都御史巡撫四川地方十九年遷工部右
侍郎未任見工部

劉大謨字

河南開封府儀封縣人正德戊辰進士授戶部

廣西司主事五年改廣東道監察御史八年降隆德縣典史陞蒲城知縣十二年陞鳳陽府同知十三年陞浙江僉事十六年陞陝西副使嘉靖二年陞四川左叅政五年丁憂七年起復陞都察院右僉都御史巡撫山西地方八年致仕十九年起原職巡撫四川地方二十二年卒於官

丘養浩字以義福建泉州府晉江縣人正德辛巳進士授餘姚知縣嘉靖四年擢浙江道監察御史六年丁憂九年補原職十一年丁憂十五年補浙江道十七年陞南京大理寺右寺丞二十一年陞大理寺左寺丞尋陞左少卿二十三年陞都察院右僉都御史巡撫四川本年改任江西被劾未任聽調

戴儒字汝真江西饒州府德興縣人嘉靖丙戌進士授行人司行人八年陞工科給事中九年陞工科右給事中十一年陞工科左給事中尋陞都給事中十二年劾免十七年起補刑科都給事中十八年陞太僕寺少卿二十二年陞大理寺右少卿本年陞應天府尹二十三年陞都察院左僉都御史巡撫四川地方未任被劾致仕

王大用字時行其先揚之真州人高祖添興國初以尺籍隸興化衛始爲興化人弱冠補郡弟子員砥節槩不問戶外事弘治甲子領鄉薦正德戊辰舉進士授工部都水司主事督造漕船兼理臨清閘座振弊扼私號爲清嚴庚午劇賊劉六等嘯聚

破濟寧直薄清源時分署在城外公留拏爲民先乃拔其壯勇
若而人躬督率之據險迎敵會兵備道出兵應援賊乃解去城
市賴以無虞壬申考最改刑部浙江司主事尋轉貴州司署員
外郎割割不滯癸酉疏病歸僦居市糴蕭然故寒士乙亥病痊
補原職丙子擢廣東僉憲兵備清遠其地山岨積爲盜區兵之
輒弗利參且百年公練士卒嚴賞罰威稜凜然樂昌高快馬僞
稱天王流劫湖南郴永等州上命令兵討之公出奇擣巢穴
獲功一千四百有奇欽賞俸一級宜章民與樂昌黃圃民相
讐格湖帥以爲劇盜議殲之公持不可令黃圃民擒首禍者來
獻餘悉不問民感更生立祠祀焉清遠徭盜勢張甚上復命

討之卽騰檄濟師渡滬江拔其坑并菜塘西坑癩利諸寨相繼
盪平戮賊酋梁永寬等一千有奇又移池水攻黃藤坑黃華洞
後山十八山諸處戮賊首唐鎮山僞都督楊旺等二千有奇復
陞俸一級新會白水與新興海州等洞相煽出沒以屠掠長子
孫矣公躬按邑治密授方略令里胥父老各捕所知甫三月獲
賊二千四百有奇已卯聞江西宸濠反卽勒兵冒暑兼程至則
濠已就擒人多其義順德增城香山各沿海諸村晝農夜盜不
可詰按公令自別所業長正互覺舉游手暴橫者卽繩之後搜
獲真盜三千二百有奇屬界肅然備兵五載征剿無虛日善出
奇所向輒靡督府蕭公种疏公處官如家以民爲已不用一旅

斗糧剿功七千以上且逆藩應變略無回顧之心不獨賢能出衆忠勇尤有過人人以爲實錄云辛巳從民望陞本司副使照舊兵備嗣後征白水黎蠻及嶺西高涼洞夷獠以功上欽賞銀十兩申陞江西左叅政分守湖東道兵燹之餘一切鎮以簡靜乙酉部糧而南槩不持一杷人或銜之是歲考察言官承風論公治盜大酷吏部不得已議調貴州右叅政值軍旅繁興大木使命旁午公擘畫供億無譁聲且暇課諸生明理學以變夷俗未幾推廣東右布政使轉廣西左轄六年尋晉應天府尹九年陞都察院右副都御史巡撫順天道改巡撫大同贊理軍務時兵饑乾耗悍卒數戕害主將拜撫者多難之公毅然獨往

尚教化禁淫酗汰浮冗課墾耕嚴開中以通商鹽營堡落以備
哨望剿平強寇劉善果 欽賞銀十兩紵絲一表裏疏陳備邊
四事一議遊擊二員各分城兵三千高坐城站不出按伏徒費
行糧罷之便一議奸商糴買糧草展轉侵盜腳價難賠改令有
力軍官領糧糴買貯給一議陽和平虜右衛既有叅將其屬有
千總把總管隊等官今又設三守備占役頗衆兵力益分俱應
裁革一議大同三邊離鎮二百餘里二邊一百三十里頭邊四
十里近者應援可及遠者聲息難知宜移入二邊併守爲便奏
下兵部覆題俱報可時巡按御史張祿與公持禮節尋爲給事
中秦鰲所論乃疏乞休荷 溫旨慰留有盡心軍務以肅朝廷

紀綱之褒及十年再疏乞休乃改撫順天去之日耆老板轅泣
送留靴繫思公至順天歲大饑百方調度奏給糧米數萬躬循
賑濟活軍民甚衆 欽賞紵絲一表裏又修理邊牆計銀四萬
八千餘兩公念軍方艱食乃以役行賑省銀二萬三千兩兵部
會議防剿事宜公復疏三事一曰重賞罰大要欲以衝鋒破敵
與陣亡者爲上賞斬級者次之追逐邀擊者又次之二曰酌律
例言守備不設被賊入境失陷城寨者斬今官軍遇賊交鋒則
非不備之兵間有損傷搶擄亦兵家勝敗之常若槩問守備不
設則恐觀望畏避幾可乘而坐失衆欲奮而牽持非所以作邊
將之氣也三曰覈功次夫功次冒濫非特勢要攘奪而已或妄

殺人口或用銀買求此各邊通弊今後驗功令同隊同陣職
官保結方准造冊如虛將保結官查照冒襲軍職 欽例罷職
揭黃則奸弊可杜 上皆嘉納之壬辰陞右都御史入掌院事
張御史挾宿憾訕尼之奉 旨切責公疏懇辭乃得 俞允會
朵顏三衛帶領達虜千餘假稱入貢公督同叅將周璿蕭陞到
關撫諭事從中變卽令二叅將拒敵公乃單騎入城誠兵策應
虜卽宵遁時公欲以金幣與虜易馬又嘗諭其頭目等維者令
獻黑谷關外地至太平寨長亘五百餘里可徑爲邊牆以省關
管大半二議已定俱未及 請行張御史以此爲啓釁結怨復
奏奉 旨著致仕公僑寓真州祖貫仰給明農受徒講學大索

伯霍公韜臺諫錢君微周君汝員等連薦有 旨起用久之歸

甫出入惟徒步一青童荷蓋以從甲辰值大旱晨炊或不能其

意豁如也是冬始奉 命巡撫四川道見民饑日食惟蔬素從

者至不能堪比至則黜墨吏革舖官舫奏祀廉范崔與二公禁

淨身抑橫債釐茶法定賦役諸所興革務存節愛白兔不以表

聞遇地震災傷則屢爲題奏丙午陞南京刑部右侍郎候代間白

草番率衆攻破平番堡公卽具題征剿委遊擊曹克新督兵救

應斬首七十餘級兵科給事中扈永通以失事基禍論劾兵部

題覆回籍聽勘代巡撫張公時徹捷隨上疏公志惟存乎節愛

慮實周於邊防變起倉卒亟兵遏絕今茲底定難掩前功奉

賞銀二十兩紵絲三表裏待勘明錄用公歸復居真州日以圖史述作爲娛晚更好道歲癸丑八月二日疾卒於真

蕭一中字

湖廣岳州府華容縣人正德丁丑進士嘉靖二

十四年推右副都御史巡撫未任卒

張時徹字惟靜浙江鄞縣人嘉靖癸未進士

十年任江西提學副使歷

二十五年

以都察院右副都御史任二十八年陞兵部右侍郎兼右僉都御史巡撫江西二十九年遷南京刑部右侍郎改兵部

應大猷字

浙江台州府仙居縣人正德甲戌進士

嘉靖二年陞吏部文選司主事四年陞考功司員外

郎陞稽勲司郎中五年養病歸卧十二年十三年起陞江西右
叅政二十五年陞巡撫雲南右僉都御史二十六年陞右副都
御史巡撫四川忤輔臣夏貴溪以條舉官屬嗾言官劾之削爲
民後起撫山東歷刑部尚書

嚴時泰字

浙江餘姚縣人正德辛未進士

嘉靖二十六年任四川左布政使二十七年陞南京太僕寺
卿本年陞巡撫四川右副都御史詳南京工部右侍郎

國朝列卿紀卷之一百十三終